

畿輔通志卷二百十六

列傳二十四

明一

明

順天府

董倫

張熙

蘇敏

吳顯

甄庸

李鸞

楊小兒

賈琳

竇承芳

王二共

劉英

韓士舉

劉士原

李慶

盧祥

顧仲禮

武周文

黃綬

儲福

杜奇

馬宣

朱鑑

秦亨

楊善

劉中敷

子連孫機

冀傑

薛斌

子壽童弟貴

黃潤玉

李季鼎

李嘉

王騏

子復

李敦

張渙

李素

張法保

張素

趙昇

李儀

毛勝

張敏

王鏜

施聚

父忠

韓定

李震

殷謙

周尙文

崔富

韓雍

李侃

芮釗

董方

李賓

楊慶

岳正

秦敬

袁彬

冀遂榮

郭登

劉懷義

郭鎮

劉器之

張垣

孫雄

侯顯

朱銳

金純子濂

高瑄

吳瑾

展毓

邢表

郭敏

楊垣

李東陽

曾鑑

陳壯

李琮

劉志

龔然勝

李瑾

李紳

段正

賈鉞曾孫榛 柏

孫節

王信

史道

劉瓊

王傳

田景賢

史俊

胡諒

張恕

夏昂

歐信孫思賢

張綸

燕忠

楊和子維聰
維傑

鄧璋

馮傑

朱驥

萬盛

方榮

柳芳

秦貴

張玘

呂循渠

王獻臣

周盛

顧大章

張禴

王禾

邢昭

許銘

周榮

蕭選

梁材

張禴

王雄

萬英

趙永

柴義

寧河

王鏜

陳賢

馮琚

錢福

韓鵬

李琚

楊寬

明

順天府

董倫字安常宛平人其先居恩縣恩古貝州也學者因稱爲

貝州先生元末徵辟不出

傳維鱗明書

洪武十五年以張以寧薦

授贊善大夫侍懿文太子陳說剴切太祖嘉之進左春坊大

學士太子薨出爲河南左參議

明史

盡心民事名其退食之堂

日後樂方孝儒爲之記上封事數千言多當上意

傳維鱗明書

肇

州吏目蘭溪諸葛伯衡廉倫薦之帝遽擢爲陝西參議又言

儒學訓導宜與冠帶別於士子訓導始註選三十年坐事謫

雲南教官雲南初設學校倫修身以教人皆嚮學建文初召

拜禮部侍郎兼翰林學士與方孝儒同侍經筵御書怡老堂

額及髹几玉鳩杖賜之解縉謫河州以倫言得召還倫質直

敦厚嘗勸帝睦親藩不聽成祖卽位倫年已八十命致仕尋

卒

明史

張熙北平人洪武初知紹興府創建廨署置一切器具規畫

甚周人咸稱之

浙江通志

蘇敏昌平人洪武初授廬州推官擢知府甚得民心卒於官

民皆爲流涕

江南通志

吳顯薊州人洪武初改湘鄉州爲縣顯卽以知州爲知縣創

建縣治招還流民墾荒田八千餘畝

湖南通志

甄庸宛平人洪武三十年舉人才授戶部主事有賢聲永樂

元年任松江知府端謹廉明政平訟簡二年坐累降右軍都

督府經歷三年以薦擢山西道御史出巡廣西四年陞工部

右侍郎命造冬夏衣給賜雲南官生駱進并琉球官生周魯

等役竣仍奏准自後依時給賜不待奏請著爲令陞南京工

部尙書宣德元年兼掌兵部事二年致仕庸性凝重言若不

出口遇事處之綽有餘裕人稱爲篤厚君子

分省人物考

李鸞宛平人洪武中知湘陰縣嚴毅而勤於撫字民畏而愛

之

湖南通志

楊小兒永清人性至孝母病小兒刲肉一片妻周氏亦刲臂

肉煎湯以進母病得痊洪武中旌

雍正志

賈琳號崑玉永清人少力學工文詞洪武中以太學生授東

昌府照磨府號煩劇而軍衛尤橫數鞭辱府中佐史前官不

能堪琳執法嚴民賴以少安有繼母訴子不孝琳呼至前委

曲開譬母子泣謝去卒以慈孝稱嘗治廨後隙地得白金二

百兩會部符徵鐵卽以金代民輸納建文時將軍盛庸師過

東昌卒入民家取酒遂相毆擊一市盡譁琳咎卒遣之卒訴

琳罵將軍庸詰之琳曰卒王師民亦王民也民毆且死卒不當笞耶琳雖愚何至罵將軍將軍大賢奈何私一卒撓國法庸意解爲責軍士以謝民有無賴子從富人陳某貸金不應遂誣以謀叛株連者六十人命錦衣衛往捕琳力言其枉且遣耆老四十人赴闕訴誣許者乃如律按治其宅心之平恕行事之強毅率皆類此

永清縣志

竇承芳通州人洪武中以貢入太學永樂四年詔國子監擇才識英敏者應科道之選承芳擢拜山東道御史以建言下詔獄赦復官尋又忤旨謫龍江典史已又復職陞浙江僉事

卒

分省人物考

王二共武清人洪武時由人才授長安令勤廉有爲民謠曰

村落安堵賴有王明府歷官鳳翔知府

雍正志

劉英寶坻人洪武中由辟舉爲繁峙知縣深得民心秩滿縣

人詣闕乞留詔復任命禮部書其政績以風勵天下

分省人物考

後改雲陽縣祀名宦祠

山西通志

韓士舉寶坻人洪武中以辟舉授平陸縣丞廉能慈惠秩滿
當遷民籲留之士舉亦久與之居不忍去也在任十八年卒

寶坻

縣志

劉士原昌平人洪武中以薦擢知潞州有惠政陞陝西參議
累官左布政使應召至京止跨一蹇隨一僕帝廉得其實稱
揚不已命馳驛赴任時有天下清官劉士原之譽

分省人物考

李慶字德孚順義人洪武中以國子生署右僉都御史授刑
部員外郎遷紹興知府永樂元年召爲刑部侍郎帝以爲才
數命治他事不得時至部然屬吏與罪人交通慶輒知之繩

以重法五年改左副都御史時勲貴武臣多令家人行鹽爲
官民害慶言舊制四品以上官員不得與民爭利今都督蔡
福等旣行罰公侯有犯亦乞按問允行忻成伯趙彝擅殺運
夫盜賣軍餉都督譚青朱崇貪縱慶劾之皆下吏已又劾都
督費璫梁銘曹得等皆被責中外憚之進工部尙書尋兼領
兵部事仁宗立改兵部加太子少保弋謙以言事忤旨呂震
等交口詆之惟慶與夏原吉無所言帝尋悟降敕自責並責
震等山陵事多趣辦中官或有求執不與人號爲生李侍皇
太子謁孝陵約束將士甚嚴太子欲獵慶諫止及太子還北
京遂留慶南京兵部宣德二年安遠侯柳升討黎利命慶參
贊軍務許擇部曹賢能者自隨師至鎮夷關升意輕賊不爲
備卽中史安主事陳鏞言於慶時慶已病甚強起告升升不

聽直前中伏敗死慶病遂篤明日亦死一軍盡沒

明史

盧祥房山人洪武中官刑部郎中才能著稱以從征有功陞

本部侍郎卒於官

雍正志

顧仲禮保定縣人幼孤事母孝洪武中蝗起仲禮行田間泣
曰食吾苗何以養母俄疾風吹蝗去母沒仲禮年已六十矣

猶廬墓三載云

同上

武周文大興人洪武末以明經入侍燕邸永樂丙戌召爲侍
講學士賜冠帶織金羅衣一襲上謂學士胡廣曰朕守藩時
喜觀易時王府官僚亦有知者然未若武周文切實但所言
亦有拘滯處蓋易貴知變不失其宜古人隨時從道之說最
爲要妙在虛心玩之耳次日周文入謝上憫其老命爲侍講

學士賜之休沐

分省人物考

黃綬平谷人洪武末以奇童召見送國子監讀書宣德癸丑

成進士除御史英廟北征綬疏諫不報扈駕至土木師潰綬

奮節死廕子鑑爲國學生

畿輔人物考

儲福無錫人隸燕山衛籍

傳維麟明書

靖難兵入挈母妻逃去成

祖卽位詔勾戍卒入伍福與焉調曲靖衛仰天哭曰我雖一

介賤卒義不爲叛逆之臣日夜泣不輟竟不食死

雍正志

本朝祀忠義祠

勝朝殉節錄

杜奇北平人燕王初起兵欲廣置羽翼令境內舉賢良方正

有司以名上奇極諫當守臣節王怒立斬之時方急兵事未

暇逮其家及卽位乃族

畿輔人物考

福王時贈翰林院檢討諡貞

直

雍正志

本朝祀忠義祠

勝朝殉節錄

馬宣北平都指揮使靖難兵起殺張昺謝貴宣巷戰不勝東

走薊州起兵西征不利退守薊州出城再戰又敗被執大罵

不屈死建文帝褒恤其家

雍正志

本朝賜諡烈愍

勝朝殉節錄

朱鑑北平都指揮使守大寧靖難兵至諸將皆降鑑獨力戰

被縛罵不絕口而死

雍正志

本朝賜諡烈愍

勝朝殉節錄

秦亨字子貞順天人以易學見知於文皇帝永樂初召至京

師欲處以顯職力辭除荏平教諭遷永甯府教授訓迪有方

弟子多有成就已而從尙書黃福征交趾多贊畫功乞休歸

正統間卒

雍正志

楊善字思敬大興人年十七爲諸生成祖起兵預城守有勞

授典儀所引禮舍人永樂元年改鴻臚寺序班善偉風儀音吐洪亮工進止每朝謁時上目屬之累進右寺丞仁宗卽位擢本寺卿宣德六年被劾下獄褫冠帶踰月正統六年子容詐作中官書假金於尙書吳中事覺謫戍威遠衛置善不問久之擢禮部左侍郎仍視鴻臚事十四年八月扈駕北征及土木師潰善間行得脫也先將入寇改左副都御史與都督王通提督京城守備寇退進右都御史視鴻臚如故景泰元年廷臣朝正畢循故事相賀於朝房善獨流涕曰上皇在何所而我曹自相賀乎衆愧爲之止是年夏季實羅綺使瓦刺議罷兵未還而也先使至言朝廷遣報阿剌知院而不遣大臣報可汗及太師事必不濟尙書王直等奏其言廷議特簡四人爲正副使與偕行帝命俟李實還議之已而實將至乃

命善及侍郎趙榮爲使齎金銀書幣往先是袁敏者請齎服御物問上皇安不納及是尙書胡濙等言上皇蒙塵人御用服食宜付善等隨行亦不報時也先欲還上皇而敕書無奉迎語自齎賜也先外善等無他賜善乃出家財悉市彼中所需者攜以往旣至其館伴與飲帳中說善曰土木之役六師何怯也善曰彼時官軍壯者悉南征王司禮邀大駕幸其里不爲戰備故令汝得志耳今南征將士歸可二十萬又募中外材官技擊可三十萬悉教以神槍火器藥弩百步外洞人馬腹立死又用策士言緣邊要害隱鐵錐三尺馬蹄踐輒穿又刺客林立夜度營幕若猿猱伴色動善曰惜哉今皆置無用矣問何故曰和議成歡好且若兄弟安用此因以所齎遺之其人喜悉以語也先明日謁也先亦大有所遺也先亦喜

善因詰之曰太上皇帝朝太師遣貢使必三千人歲必再賚金幣載途乃背盟見攻何也也先曰奈何削我馬價予帛多剪裂前後使人往多不歸又減歲賜善曰非削也太師馬歲增價難繼而不忍拒故微損之太師自度價比前孰多也帛剪裂者通事爲之事露誅矣即太師貢馬有劣弱貂或敝亦豈大師意耶且使者多至三四人爲盜或犯他法歸恐得罪故自亡耳留若奚爲貢使受賜宴上名或浮其人數朝廷核實而與之所減乃虛數有其人者固不減也也先屢稱善善復曰太師再攻我屠戮數十萬太師部曲死傷亦不少矣上天好生太師好殺故數有雷警今還上皇和好如故中國金幣日至兩國俱樂不亦美乎也先曰敕書何以無奉迎語善曰此欲成太師令名使自爲之若載之敕書是太師迫

於朝命非太師誠心也也先大喜問上皇歸將復得爲天子
乎善曰天位已定難再移也先曰堯舜如何善曰堯讓舜今
兄讓弟正相同也其平章昂克問善何不以重寶來購善曰
若齎貨來人謂太師圖利今不爾乃見太師仁義爲好男子
垂史策頌揚萬世也先笑稱善知院伯顏帖木耳勸也先留
使臣而遣使要上皇復位也先懼失信不可竟許善奉上皇
還時舉朝競奇善功而景帝以非初遣旨薄其賞遷左都御
史仍蒞鴻臚事二年廷臣朝正旦畢修賀朝房善又曰上皇
不受賀我曹何相賀也三年正月加太子太保六年以衰老
乞致仕優詔不許善狀貌魁梧應對捷給然無學術滑稽對
客鮮莊語家京師治第郭外園多善果歲時饋公卿戚里中
貴無不得其歡心王振用事善媚事之至是又與石亨曹吉